

WAT IS DIE
BEGROTING?

Jaarliks, gedurende Februarie, kondig die Minister van Finansies die regering se spanderings-, belasting-, en leningsplanne vir die volgende drie jaar aan. Dit word die Nasionale Begroting genoem. Die Nasionale Begroting verdeel geld tussen nasionale departemente, provinsies en munisipaliteite.

UITDAGENDE TYE, VERANTWOORDELIKE KEUSES

'n Begroting is die finansiële spieël van hoe 'n regering op sy samelewing se aspirasies reageer. Die 2015 Begroting herbevestig die regering se verbintenis tot die verbetering van die lewens van armes, selfs terwyl beskikbare hulpbronne onder druk is.

Sedert 2009, het Suid-Afrika, soos baie ander lande, 'n moeilike tydperk van traë ekonomiese groei en toenemende staatskuld beleef. Ons land benodig ekonomiese groei van ongeveer 5 persent per jaar om werkloosheid en armoede te verminder. Tans is daardie teiken moeilik bereikbaar, wat gedeeltelik toegeskyf word aan 'n swak globale omgewing. Op eie bodem het uitdagings soos 'n tekort

aan elektrisiteit, vaardighede en stakings, groei beperk. Na verwagting sal die ekonomie in 2015 met 2 persent groei, groei sal swak bly en teen 2017 3 persent bereik. As gevolg van die traë groei sal hulpbronne beperk wees en verantwoordelike keuses gemaak moet word in die toewysing daarvan. Die 2015 Begroting is 'n weerspieëling van sulke keuses.

Regeringsbesteding, uitgesluit die bedrag wat vir die diens van staatskuld betaal word, sal van R1.12 triljoen in 2014/15 na R1.41 triljoen in 2017/18 toeneem. Die regering sal die sterk groei in kritiese areas van maatskaplike besteding handhaaf. So byvoorbeeld sal naskoolse onderwys een van die terreine bly waar uitgawes die vinnigste groei – met 'n

groei koers van 7.1 persent per jaar – aangesien onderwys sentraal staan tot die regering se plan om die lewens van mense te verbeter. Toekenning aan die Nasionale Finansiële Hulpkema vir Studente sal R6.9 miljard in 2017/18 bereik.

Sentraal tot die regering se ontwikkelingsplan staan die voorsiening van ekonomiese infrastruktuur om groei te ondersteun. Die regering sal R813.1 miljard oor die volgende drie jaar aan infrastruktuur bestee. R669 miljard daarvan sal bestee word aan kritiese projekte ten opsigte van vervoer, energie en logistiek. Maatskaplike infrastruktuur is ook belangrik omdat dit bydra tot die uitwissing van armoede en die verbetering in lewenskwaliteit.

Die regering het 50 groot gesondheidsinfrastruktuurprojekte waarvoor R9.3 miljard oor die volgende drie jaar begroot is.

Omdat die regering aanvaar dat die inkomste wat ingevorder word beperk is, is stappe geneem om vrugtelose uitgawes te verminder en doeltreffendheid te verbeter. Dit sluit in 'n vermindering in bedrae wat op nie-noodsaaklike items bestee word, om sodoende meer hulpbronne vir kritiese terreine beskikbaar te stel. Die 2015 Begroting moedig besteding aan waarvoor verantwoording gedoen kan word, wat deursigtig is en reageer op die behoeftes van die bevolking, om sodoende die land op 'n pad te plaas wat dit moontlik maak om verder op sy suksesse van die afgelope 21 jaar uit te brei.



1. Boodskap van die Minister
2. Bestuur infrastruktuur
3. Beskerm maatskaplike welvaart
4. Maatskaplike toelaes



1. Onderwys en gesondheid
2. Die Begroting
3. Waar geld vandaan kom
4. Hoe sal dit bestee word



1. Inkomstebelastingwysigings
2. Nuwe belastingkoerse
3. Hereregte verligting
4. Aksynsbelasting verhoging

FIND US ON
FACEBOOK

RSA BUDGET

ONDERWYS EN GESONDHEID BLY KERN BESTEDINGSGEBIEDE

Die welsyn van 'n samelewing word gemeet aan die burgers se vermoë om toegang tot gehalte dienste te kry, veral ten opsigte van onderwys en gesondheidsorg. Terwyl betekenisvolle vooruitgang op hierdie gebiede oor die afgelope twee dekades gemaak is, moet heelwat nog gedoen word om Suid-Afrikaners gesond en beter geskoold te maak. Oor die volgende drie jaar:



1 R7 MILJARD

sal aan die voorwaardelike toekenning vir skool infrastruktuur-agterstand gaan om infrastruktuur in 510 skole te vervang en water aan 1120 skole te voorsien, asook sanitasie aan 741 en elektrisiteit aan 916 skole.



2 R19.5 MILJARD

sal deur die Department van Gesondheid belê word in die instandhouding en opknapping van gesondheidsfasiliteite en sewe ander mega-projekte, wat deur die provinsiale en nasionale departemente bestuur sal word.



3 R3.1 MILJARD

sal aan die Fukza Lushaka beurskema toegeken word om te verseker dat daar voldoende jong en goed gekwalifiseerde onderwysers beskikbaar is. Teen 2017/18 sal ten minste 10 200 nuwe onderwysers tot die staatsdiens toetree.





4 11 DISTRIKTE

Die Department van Gesondheid is in die vierde jaar van die 15-jaar ingefaseerde implementering van die Nasionale Gesondheidsversekering, en loodsaktiwiteite is reeds in proses in 11 distrikte.

WAAR DIE GELD VANDAAN KOM

BELASTINGINKOMSTE	2015/16	%
PERSOONLIKE INKOMSTEBELASTING	393.9	36.4
KORPORATIEWE INKOMSTEBELASTING	202.0	18.7
BTW	283.8	26.2
DOEANE BELASTING	76.1	7.0
BRANDSTOFHEFFINGS	55.7	5.1
ANDER	69.8	6.5
TOTAAL	1081.3	100.0



HOE WORD DIE BEGROTING SAAMGESTEL?

Elke jaar publiseer die regering 'n Begrotingsoorsig wat vooruitskattings maak oor hoeveel inkomste die regering kan invorder en dus sy ruimte om te kan spandeer bepaal.

Die eerste stap is om vas te stel hoeveel inkomste die regering kan invorder en hoeveel dit in staat is om te leen. Om vooruitskattings ten opsigte van inkomste te maak, moet die ekonomiese omgewing in aanmerking geneem word. Hoe meer die ekonomie groei, hoe meer inkomste kan die regering invorder. Gewoonlik bestee die regering meer as die inkomste wat ingevorder word. Dit vereis van die regering om by beleggers geld te leen om besteding te befonds.

Voordat die regering geld aan sy prioriteite kan bestee, moet rente eers op die skuld wat oor die jare opgehoop het betaal word. Daar word na hierdie skuld as 'n direkte las verwys aangesien hierdie verpligting eertstens deur die regering nagekom moet word. Ander direkte laste sluit in die algemene brandstofheffing aan plaaslike regerings en die vaardigheidsontwikkelingsheffing. Die regering moet ook geld opsyt vir onvoorsiene gebeure soos oorloë en natuurrampe. Dit word 'n gebeurlikheidsreserwe genoem. Eers nadat die regering hiervoor voorsiening gemaak het word die res van die fondse tussen die nasionale, provinsiale en

plaaslike regerings verdeel. Hierna word verwys as die verdeling van inkomste.

Terwyl die Nasionale Tesourie verantwoordelik is om die Begroting te publiseer, betrek die proses vir die vooruitskating van inkomste, hoeveel geleen moet word en bepaling van bestedingsprioriteite al drie vlakke van regering, sowel as politici. Hierdie besluite is vervat in die hoofstukke van die Begrotingsoorsig - wat elkeen deur verskillende afdelings in

die Tesourie saamgestel is. Die Minister van Finansies bied dan die begroting in die Parlement aan, gevolg deur 'n konsultasieproses. Sodra die Parlement die Begroting goedgekeur het, word dit aanvaar en word dit die Begroting van die Parlement.



